

# 府朝事畧

卷之一  
卷之二

46

庫	文	閣	内
五〇函	二七二五	和書	和書
架	冊	號	類

内 第 一 書 共

						和書門
				二七二五	九一五	
			七八	冊架函	號類	

内閣文庫	
番號	和 27225
冊數	7 ( 1 )
函號	150 40

150-40



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





火

府朝事畧卷之壹二


川島辰雄



府朝事畧序

唐島桐官吉川氏有兄弟三人長曰堅字多節次曰  
確字大節次曰剛字全節三子共以宮本茶村先生  
為師而兄弟相為朋友各長詩文隱然名顯四方後  
多節入官豐夙有才人之稱既而歸鄉相與切磋規  
準文行而全節嘗有府朝事畧之著起東照公終

慎德公以編年記之凡十二卷夫偃武以來殆三  
百年雍澤熙化可觀可懲者左右之記汗牛充棟茫  
如煙海之無津涯人人皆欲得一佳書簡便綜大事  
者以備遺忘則是在讀書子不可欠之著作也而全  
節自謙曰猶從隗始云今也以脫稿來告且徵序於



府朝事畧序



余余閱之。叙事簡談論斷持平。所謂詞約事詳。論辨多美。苟悅漢紀之類也。今代記事之最精者。較之三王外記國史等書。可謂出藍矣。嗚呼。今也多節與茶村先生相尋。歸泉下。以余徒馬齒長來。請一言。則不得辭矣。抑三子雖固同根一體。然其所成就。各異趣。不肯雷同也。或比之眉山三蘇。寧都三魏。則三子不敢當也。而如全節此書。世自有具眼之人。亦不須贅多言也。特冕其緣故於簡端云爾。

慶應元年歲次乙丑閏五月 下總清宮 秀堅 撰

府朝事畧目錄

第一卷

東照公

關原大捷後三年通六年

第二卷

台德公

在職十年

第三卷

大猷公

在職二十年

第四卷

嚴有公

在職二十年

第五卷

常憲公

在職二十年



第六卷

文昭公在職三年

第七卷

有章公在職四年

第八卷

有德公在職九年

第九卷

惇信公在職十年

第十卷

浚明公在職七年

第十一卷

文恭公在職五年

第十二卷

慎德公在職十年

右自慶長五年起至嘉永六年凡二百五十四年







文廟令

家齊公御實記

折焚柴記

丙丁龜鑑附錄

威公年譜

西山遺事

義公行實

義公年譜

貞山公年譜

銀臺遺事

幽山年譜

肥後物語

本朝名臣言行錄

近世人鏡錄

諸侯賢行錄

世免天話草

世免天話草後編

武將感狀記

兵家茶話

古諺記

武家間談

續武家間談

寬永小說

寬明日記

落穂集

追加落穂集

武野燭談

武家盛衰記

武林隱見錄

常山紀談

雨夜燈

老士語錄

明良洪範

續明良洪範

鳩巢逸話

石谷土人記

諸家大秘錄

諸家深秘錄

諸家嚴秘錄

諸家要秘錄

有馬家記

松陰日記

重朗日記

盡忠錄



赤穂義人録

赤穂四十七士傳

島原明細記

原城紀事

九州一揆秘書

柳川始末

中白問答

仙石内乱紀事

大坂動乱叢書

回天詩史

國書復號紀事

國喪正議

柳營秘鑑

官中秘策

國朝舊章録

新朝裁許律

正名緒言

稱謂私言

青標紙後編

殿居囊後編

職役配當抄

幾内治河記

奥羽海運記

南汎録

西上録

崎陽雜記

長崎夜話

華夷通商考

鄭氏紀事

海外異傳

和漢三才圖會

採覽異言

三國通覽

坤輿圖識

蕃史

蘭語互市通絶始末

山田記

邊警紀聞

諸夷至室島紀事

琉球國志畧

和蘭告密

不問談

本佐録

献可録



温知政要

大和大乘

成島司直上書

平山潜上書

先哲叢談

先哲叢談後編

近世叢語

續近世叢語

長崎先民傳

古今烈女傳

羅山文集

蛭加文集

紹述文集

南郭文集

春臺文集

栗山文集

春水遺稿附錄

愛日樓文

東湖詩文稿

宕陰存稿

駿臺雜話

盍簪錄

紫芝園漫筆

兼山麗澤秘策

金溪雜話

半日閑話

譚海

耳囊

會澤翁筆記

新著聞集

御陵記

奠香錄

寬政雲上明覽

天保雲上明覽

大名古鑑

役人系圖

天明武鑑

寬政武鑑

文化武鑑二種

文政武鑑

天保武鑑四種

嘉永武鑑二種

安政武鑑

自家雜纂



府朝事畧卷之一

常陸 藤原久勁 編集

東照公

諱家康 姓源 其先出於桃園親王 貞純 世

言移居參河松平 又稱松平 野氏 公參河守 贈大納

小黃字竹千代 年十六 日 出於河野額田郡岡崎 途

為織田氏所娶 既而張如駿 河名元信 稱二行 擢

甲子 弘治二年 氏正 為室 三子 駿河 更名元信 稱二

三人 永祿元年 有田高七 歸參河 寺部 克之 岡

崎四年 其織田氏 和六年 秋 更今 九名 自是 冬 至

明春 有向亂 七 年 併 東 西 參 河 今 九 名 自 是 冬 至

叙從五位下 德川氏 自是 德川 為正 宗 松平 為京 族

仁 卷 一

天正九年 德川氏 自是 德川 為正 宗 松平 為京 族



是歲并遠江元正月進元正月正位上遷侍從三年有  
 三形原役五年天正二年進正位下遷石河定衛權  
 長篠八役十年正月進從四位上衛中將十駿河二  
 少信濃十年正月進從四位上衛中將十駿河二  
 月遷參議進從三位其妹有室十月遷中將十駿河二  
 言朝京都十月轉權大進言進位十二月遷中將十駿河二  
 十近衛大將左馬寮御監田原二年十月遷中將十駿河二  
 十左衛門將左馬寮御監田原二年十月遷中將十駿河二  
 東八國併治江戶凡十食九百五十月關東將  
 千石始定治于凡十食九百五十月關東將  
 士盡賀正于慶長元年五月叙正臣征朝為大將  
 出軍于肥前慶長元年五月叙正臣征朝為大將  
 臣三年豐成等伏誅天大權一秀賴在伏見語  
 年石田三成等為大將詔在職三年而辭元  
 和具二年薨年七十五將謚東照日元  
 後陽成天皇慶長五年庚秋九月公與大坂將石田三

成治少輔戰關原大破之初關白豐臣秀吉薨于秀賴  
 尚幼公以其遺託與前田利家納言大浮田秀家前備  
中納言毛利輝元辨中上杉景勝會津中戮力輔翼  
 之以決天下事淺野長政彈正增田長盛右衛門前田  
 玄以德善長束正家少輔與三成參預謀議三成嘗  
 有寵於秀吉專權至是害公及利家在已上欲除之  
 以逞威福與長盛等密謀離間二家當是時諸將人  
 口皆有自立之志多忌我威望欲傾之無何利家聽  
 細川忠興守中言與公相歡如初既而利家卒加藤  
 清正駐後淺野幸長左福島正則左衛門池  
 田輝政門左黑田長政守斐加藤嘉明左馬及忠興



等素惡三成佞媚不相協至是連署請誅之公為和  
解清正等不聽公乃諭三成罷就其封澤山以安七  
將之意三成既被擯長盛等不自安請公入居伏見  
城以鎮京畿數月又徙居大坂西城威望益盛會諸  
將多罷就藩三成回密與景勝謀東西與兵夾擊我  
於是景勝亦請而歸會津稱病不復入覲東北諸國  
爭告其有反形是歲春公遣使詰之景勝不服且答  
以慢辭公怒決意東征下令東北諸將前田利長賀  
中納言伊達政宗越前守堀秀治左衛門尉最上義光出羽守等  
便道出軍會津命部將鳥居元忠越前守等留守伏  
見而率忠興輝政正則幸長長政嘉明及山内一豊

對馬守藤堂高虎佐渡守堀尾忠氏信濃守蜂須賀至鎮長門守  
中村忠榮備前守生駒一正讚岐守田中吉政兵部大輔等  
諸將而東兵凡五萬五千七月至江戶進次下野小  
山三成等則曰吾計中矣遂矯秀賴命檄西國諸將  
推輝元為盟主舉兵攻伏見秀家及嶋津義弘兵庫頭  
小早川秀秋金吾中納言鍋島勝茂信濃守小西行長攝津頭  
長曾我部盛親焙內等皆黨之報至小山公乃會諸  
將告之聽其向背正則等奮請旋軍討之於是使從  
征諸將先發留長子秀康結城參議屯宇都宮以當景勝  
引軍還江戶時伏見既陷元忠死之西軍大振出兵  
擊諸不應者我先鋒諸將進至尾張織田秀信中納言



言以美濃應三成諸將攻拔岐阜城擒秀信獻捷於  
江戶公乃發江戶自海道進使世子秀忠率軍自山  
道來會是月十三日公至岐阜進軍于赤坂十五日  
與三成等軍遇於關原正則為我先鋒與忠興長政  
高虎進擊三成秀家義弘軍三成分兵二千繞出北  
山橫衝我軍我將本多忠勝中預備之乃鏖戰敗  
之徑前突義弘又敗之三成與秀家義弘師生兵更  
進奮戰時毛利秀元鞍藝及秀秋陣南宮山素通款  
于我故按兵不動戰已酣秀秋下山直衝西將大谷  
吉隆少翰軍脇坂安治少翰朽木元綱河内合兵應  
之吉隆敗死西軍遂大敗三成秀家脫走義弘收敗

卒退去行家正家等亦皆潰走我軍乘勝追北殺獲  
三萬二千我士卒死傷不滿四千將帥無一人死者  
於是發使者報捷于世子及秀康十六日使井伊直  
政大兵翰等攻澤山城明日拔之盡誅石田氏乃令大  
索諸渠率十九日公幕于草津天皇使使勞之先是  
世子軍由山道真田昌幸房拒之上田攻圍旬餘  
城堅不拔遂解去是以後期不及戰至則事終已四  
日公怒不許見既而意解相見于大津利長亦悉平  
北地起兵應三成者來見當此之時天下兩分諸國  
各起兵或黨西或黨東互相攻擊公既大捷於關原  
四方豪傑聞之莫不震懼旬月之間六十餘國盡服



於德川氏。西軍之敗，石田三成走將赴大坂，途得疾，臥民舍。田中吉政獲獻之。小西行長亦為近江人所捕，長束正家自殺於其邑水口。冬十月朔，命奧平信昌彥作徇三成，行長等於京都，斬之。六條磧，倂正家首。梟三條，先是大坂，聞三成敗，內外失色。毛利輝元、增田長盛馳使乞降，公不荅，使人諭秀賴，安堵如故。至是，輝元、長盛乞降，益力，乃削輝元六國，放長盛於高野。島津義弘、兄義久龍道囚義弘，乞降，許之。黑田孝高如道、加藤清正等擊西國諸將，應三成者悉平之。欲合兵攻島津氏，以其既降，令弭兵。長曾我部盛親、真田昌幸等亦皆降，奪其封土，放之高野。十

二月，大賞諸將，賜加賀能登越中、前田利長為一百萬石，賜肥後、加藤清正為七十萬石，賜備前美作、小早川秀秋、安藝備後、福島正則、筑前黑田長政、播磨、池田輝政並為五十萬石，賜豐前、細川忠興為四十萬石，賜紀伊、淺野幸長、筑後、子田中吉政並為三十萬石，賜因幡、伯耆、中村忠一、出雲、隱岐、堀尾忠氏、土佐、山內一豐、阿波、子蜂須賀至鎮、讚岐、子生駒一正、伊豫、子加藤嘉明、藤堂高虎並為二十萬石。其他京極、高知、新後、筒井、定次、伊賀真田、信幸、伊豆寺澤、廣高、隼摩、京極、高次、迹守、有馬、豐氏、玄蕃一柳、直盛、鹽富田、知信、左近池田



長吉字中德永壽昌拓見古田重恒煥金森可重  
出雲等谷以功或益封或依舊諸降附之國改立其  
嗣賜薩摩大隅日向于島津忠恒為七十萬石賜長  
門周防于毛利秀元肥前于鍋島勝茂並為三十萬  
石以攝津河內和泉封大坂為六十萬石於是天下  
大定乃使世子入朝告成事公素留意學術以修  
禮文為志辟播磨入藤原肅惺命講經典聽之又取  
書籍未經刊行者盡上之木自是文教大行肅中納  
言定家齋也幼為僧穎悟絕人既長志嚮儒學遂還  
俗嘗慨學者專攻訓詁不究聖賢之道窮心於程朱  
學大有所發明本邦學者知講明道德蓋自肅始焉

是歲荷蘭船一隻至和泉堺浦獻方物請互市荷  
蘭國在西洋去我一萬三千里其國偏小常以航海  
通販為生其人毛髮皆赤故呼為紅夷公命召船主  
耶揚子等于江戶數引見問外蕃事耶揚子遂投化  
不還

六年時春正月公在大坂二月賞宗族舊臣賜  
越前于少將秀康為六十七萬石賜尾張于下野守  
忠吉為二十萬石賜近江之澤山于升伊直政為十  
八萬石賜伊勢之桑名于本多忠勝為十七萬石賜  
美濃之加納于奧平信昌其大垣于石川康通長門  
上野之高崎于酒井家次毗駿河之府中于内藤



信成禮前遠江之濱松于松平忠賴左馬參河之岡  
崎于本多康重禮後增酒井忠利備後七郎後秩為萬  
石其餘增封賜邑有差三月世子陞從二位遷權  
大納言夏四月歸江戸五月以板倉勝重四郎左衛門後  
伊賀加藤正次齋為京都所司代正次尋免上  
杉景勝數目少將秀康謝罪秀康以為景勝方失勢  
乘之非武回為請納其降公許之秋七月景勝自至  
伏見謝罪八月收其會津百萬石賜米澤為三十萬  
石以會津賜蒲生秀行飛騨為六十萬石仙臺藩主  
伊達政宗山形藩主最上義光越後國主堀秀治皆  
益封為六十萬石命義光秀治率南部戶澤村上諸

族擊平會津城邑未服者九月課西國諸藩築城  
于二條以為駐駕之所冬十一月公至自伏見先  
是井伊直政本多忠勝榊原康政式部為執政大久  
保忠鄰相模本多正信祐渡為老中至是命青山忠  
成常陸內藤清成修理為關東奉行副忠鄰等綜理  
諸務賜字都宮于奧平家昌為十萬石家昌信昌  
之子也十二月呂宋入貢  
七年癸丑春正月公進從一位世子進正二位公令世  
子以二十萬石地自給加賀國主前田利長請朝  
江戸以為天下先公避之京都留世子當之利長至  
猷遺甚盛世子亦賜名刀時服等遣之利長遂起伏



見謁公而去。二月執政并伊直政卒。年二四直政入侍帷幄出從征討謀謨勇略實為元勳時人與本多忠勝並稱曰并伊本多。三月公適大坂賀正尋還伏見後以為常。夏五月朔公入朝。關原之役佐竹義宣右京大夫遙應西軍及軍敗遽納降公憎其觀望至是收其常陸八十萬石徙之秋田為二十萬石徙秋田實季城于宗戶岩城宣隆祖馬于龜田以岩城賜鳥居忠政京為十萬石忠政元忠之子也。秋八月出母水野氏傳卒於伏見歸葬江戶。冬十月公至自伏見。備前國主小早川秀秋汰侈日甚喜怒不節老臣杉原下野犯顏強諫秀秋怒併其子

加賀殺之由是宿臣多散去是月秀秋卒無嗣國除佐竹氏將車義照丹作亂襲水戶守將松平康重防守迎擊擒而誅之。十一月公如伏見。賜水戶公子信吉配為二十萬石佐倉子忠輝振後為四萬石。十二月薩摩國主島津忠恒盡平國內亂來見先是有人告浮田秀家亡匿薩摩忠恒乃白曰秀家實在臣所彼為關原渠率天下所不容雖然窮來投臣不忍殺願幕下枉包容之公許諾焉。是歲佐渡石見多出金銀日鑄新幣初甲斐人大藏長安為公陳開礦之利公登庸之屬以礦務遂能盡其利軍國用度無不支給公以為能屬之大久保忠鄰



冒其氏為石見守

八年春正月公在伏見 賜甲斐于公子義直尚

幼未就國使平岩親吉駐計為傳以攝國事 二月

賜美作于森忠政義作川中島于上總介忠輝並為

十八萬石播磨國主池田輝政加賜備前為八十萬

石輝政取公女生忠繼左衛門督忠雄宮內命待忠繼長

與備前 十二日天皇使傳奏司大納言藤原兼勝

廣參議藤原光豐勳修奉詔書就伏見拜公為征夷

大將軍兼淳和莽學兩院別當補源氏長者賜隨身

兵仗杖二十三日入朝拜命并伊直勝右近本多忠勝

等十餘將騎從與傍參議德川秀康參議細川忠興

參議京極高次少將池田輝政少將福島正則為後

乘獻白金萬兩皇后皇太子及宗室百官皆有獻遺

天皇賜之酒曰天下之亂久矣卿能略定之朕勃躡

功使舉乃祖之職宜統我師以鎮護王室公稽首曰

家康雖不才敢不服膺王命禮畢而出文武庶僚悉

詣二條城賀之初細川藤孝入道仕足利氏嫺室町

將軍禮式公既捷于關原即使永井直勝右近就諮

其禮儀於是又多與藤孝議從事藤孝忠興之文也

三月西國諸侯盡朝江戶 夏四月豐臣秀賴遷

內大臣 秋七月公孫女歸大坂 八月流浮田秀

家於八丈島 九月水戶城主信吉卒無嗣以水戶

加藤 龍 龍



賜公子賴直。冬十月，公辭右大臣。公主自伏見  
十一月，世子兼右近衛大將，補右馬寮御監。丹  
羽長重加賀守立花宗茂近衛嚮皆黨三成，及西軍敗，  
納降流寓江戶。是歲，召二人賜邑各一萬石。  
九年，御春正月，下教于松前、蠣崎、慶廣。伊豆約束蝦  
夷、慶廣本若狹、武田氏四世祖信廣，避仇之松前服  
屬蝦夷，世為之尊長。三月，公如京都。勘解由次  
官黑田孝高卒。年六十孝高病革，召子長政，取履履各  
一隻于紫綾帔中，與之曰：夫戰生死之地，一履一屐  
可以赴機，苟謀萬全，難以立奇功。汝性多慮，恐後于  
事，以此為遺物，汝能思焉。夏六月，世子朝京都。

秋七月，公孫家光生。世子歸江戶。八月，公至自京  
都。出雲國主堀尾忠氏卒。子忠晴山城尚幼，祖父  
吉晴帶再起視國事。伯耆國主中村忠一年少無  
檢束，其宰橫田宗治諫之，忠一怒。冬十二月，忠一殺  
宗治。其子主馬據飯山，叛近國，繹騷堀尾。吉晴以出  
雲隱岐兵助忠一，攻敗之。主馬自殺。公聞大怒，命停  
忠一入覲，既而得解。初，公謂對馬守宗義智曰：豐  
臣氏伐朝鮮，非我所知。我與彼固無怨仇，彼苟欲入  
貢，吾當許之。然非自我求和，子體此意，往試計之。義  
智之國遣使諷之，朝鮮朝鮮苦明人來戍也，欲遂成  
和。至是使孫文或等來對馬，請入見，乃命義智率詣



京都。是歲藤堂高虎倡議使諸藩置邸于江戶。納  
質人吉城主相良長每左兵衛首納其母。諸藩相繼納  
質置邸。  
十年己春正月公如京都。二月見朝鮮使於伏見。  
令諸道檢韓俘還付之。賜義智邑于肥前。義智世居  
對馬。七世祖貞盛始與朝鮮通互市。自後我敗于破  
者皆必請宗氏印信而行。故世掌朝鮮事。三月世  
子如京都。用右大將源賴朝入朝儀。東道諸侯皆扈  
從。輿馬弓戰絡繹不絕者十有七日。夏四月公奏  
請辭職。天皇優詔許之。欲遷為左大臣。固辭不受。世  
子襲為大將軍。稱公曰大御所。後世治為前將軍。稱

焉。

府朝事畧卷之一











將軍兼淳和并學兩院別當源氏長者遷內大臣陞  
正二位賜隨身兵仗右近衛大將石馬寮御監如故  
二十六日入朝謝恩東方諸侯及加賀薩摩長門國  
主皆從焉二十七日還伏見五月前將軍諷豐臣  
秀賴入朝生母淀君性猜忌固執不遣乃使少將忠  
輝適大坂告襲職六月公至自京都加賀國主  
前田利長老子利常嗣秋九月土佐國主山内一豊  
卒子忠義嗣冬十月前將軍至自京都十一月  
始置書院番四隊以水野忠清正人青山忠俊伯耆守  
内藤清次碓狹松平定綱越中為番頭  
十一年丙春正月内藤清成青山忠成有罪免安藤

重信讚馬為關東奉行二月仙臺藩主伊達政宗  
享前將軍及公於其邸自是兩將軍數遊諸侯邸以  
罄歡巨藩益親附焉三月大修大城令播磨安藝  
紀伊肥後筑前豐前等十五藩助役命藤堂高虎督  
之前將軍如京都夏五月執政榊原康政卒  
越後國主堀秀治卒子忠俊越後嗣秋七月前將  
軍建白禁廷狹隘不可行朝儀遂課天下諸侯大修  
拓之九月大城成宏壯稱天下第一藤堂高虎以  
功益賜邑一萬石封季弟賴房子下妻為五萬石  
前將軍賜島津忠恒族松平及偏諱改名家久自  
是異姓巨藩相次受族冬十月前將軍至自京都



應永中明商舶漂至相模載永樂錢數百萬貫鑰  
嘉足利氏收行之管内北條氏時令以一當他錢四  
以行大府興仍依之十二月以撰錢太勞公私不便  
令廢永樂當四法是歲前將軍賜書占城暹羅徵  
其朝貢二國尋來京都人林信勝囉為人英邁有  
曠世之才嘗言後世能得六經之旨者唯有程朱遂  
銳意以興洛閩之學自任焉前將軍雅聞其名使永  
井直勝釋之引見咨問深悅其博物於是擢為博士  
以備顧問徙駿府城主內藤信成為長濱城主  
十二年春正月課海道及畿西諸國修築駿府城  
三月尾張中將忠吉卒年八無嗣國除前將軍

老子駿府以本多正純上野為老中當是時父正信  
為大府老中父子相並執政權傾一時興國寺城  
主天野康景兵衛所部卒誤殺公邑民邑宰回本多  
正純訴之前將軍素知康景忠良不輒決正純誣康  
景教斬卒償之康景不忍殺不辜乃棄封而出亡後  
前將軍念其舊勲且老欲復之會病卒夏四月課  
東北諸國作大城天主閣閏月越前中納言秀康  
卒年四子忠直嗣秀康為人勇武而盡心政事及卒  
內外惜之前將軍徙封右兵衛督義直于尾張賜  
犬山于其傳平岩親吉為十萬石代撫其國五月  
朝鮮王李昭始使通政大夫呂祐吉通訓大夫慶暹



從事丁好寬來聘宗義智將詣兩府自是每大將軍  
代立輒遣使來賀永為通國奏義智為從四位侍從  
比十萬石侯冬十月前將軍至自駿府十二月還  
駿府府城災前將軍館于本多正純第下令諸侯勿  
來唁

十三年軾春正月營駿府城三月成夏四月岩槻  
城主高力清長卒年九十五月上野城主筒井定次  
以淫虛收其封十二萬石放伊豫六月八上城主  
前田利宗註膳以喪心收其封五萬石利宗玄以之  
子也以其地賜松平康重更城篠山秋九月公率  
諸侯覬駿府賀落城冬十一月前將軍獵于河

越是歲荷蘭船至平戶言昔年本國人與諸厄利  
亞人俱來而後不聞消息今來物色之召至江戶見  
耶揚子等曰是也命許共歸耶揚子請留

十四年配春二月筑後國主田中吉政卒子忠政嗣  
初島津家久奉教招琉球不至請征之三月家久  
遣其將新納一氏翻將八千人南伐樺山久高權左衛門  
為先鋒抵東求島執琉球戍兵三百夏四月攻那霸  
津虜以鐵鎖聯船扼守津口而津傍有山險多蛇蝎  
虜恃之不設備我軍放火赭山而上進奪陽暎灘戰  
于千里山不利轉攻胡筑城拔之琉球主尚寧使其  
弟具志來乞降不降五月伯耆國主中村忠一卒



無嗣國除分其地賜市橋長<sub>下總</sub>加藤貞泰<sub>左近</sub>關  
一政<sub>張門</sub>薩摩師五戰而至琉球國都擒尚寧及王  
子大臣數十人嚴禁抄掠按撫國民馳使請命自出  
軍至是僅六十日秋七月教賜琉球于家久為其屬  
部八月前將軍賜朱印書于荷蘭人許開場于平  
戶以貿易九月徙封藤堂高虎于伊賀及伊勢之  
阿濃津為二十三萬石分其舊封賜大洲于脇坂安  
治宇和島于富田知信少將忠輝浸驕縱多暴行屢  
善擊鼓者花井某<sub>姓</sub>遂委之政事其傳皆川廣熙<sub>城</sub>  
守驟諫不聽廣熙乃與老臣山田長門松平讚岐許  
之駿府忠輝聞而大驚馳至駿府却誣三臣有罪於

是賜死于長門讚岐逐廣熙祝髮廣熙稱老圃後召  
侍世子冬十月諸侯妻子悉至江戶令諸侯朝會  
者留期年而歸藩著為永制禁西方諸藩多造戰  
艦命藤堂高虎毀四國戰艦有廷臣數人結伴斲  
淫者前將軍奉勅命所司代板倉勝重按治之十一  
月誅其首罪一人餘盡處流竄初原城主有馬晴  
信<sub>修理</sub>受前將軍命遣賈舶于占城買奇楠舶抵阿  
瑪港港人夜襲殺之奪貨其三人潛逃歸告之十二  
月港舶至長崎晴信乃與長崎奉行長谷川藤廣<sub>左</sub>  
衛謀欲致之陸掩而生擒百方誘之港人覺而不肯  
既而斃舶遁去晴信即飛舸追之時海上風急港舶



轉著硫黃嶋追舸及之放火箭亂射火傳船中硝藥  
船忽破裂港人二百悉溺死我兵死者僅十七人晴  
信詣駿府陳狀前將軍大賞其功舉港船所載貨物  
賜之徙封常陸眾賴宣于駿河遠江為五十萬石  
封賴房于水戶為二十萬石賴房幼為前將軍所愛  
寵常抱在膝上前將軍從容問諸公子所欲義直曰願  
願封大國賴宣曰願得賢臣賴房甫六歲應聲曰願  
得天下前將軍愕然推墜諸地自是每載抑不得比  
諸公子以中山信吉備前為傳輔導之是歲執政  
本多忠勝致仕酒井忠世雖樂為老中十五年庚辰  
春正月以內藤忠重志摩為世子傳松平信綱長四

伊豆阿部忠秋豐後為侍臣忠重清成之弟也  
課加賀安藝等十七藩為義直城名護屋福島正  
則不懌前將軍聞之使言諸侯曰厭土木者宜速就  
國高墨深塹以俟我旆至諸侯大懼併力就役二  
月公觀駿府初越後國主堀忠俊尚幼其宰堀直  
清艦專政諧庶兄直寄弼波逐之直寄奔訴之駿府  
閏月前將軍與公親聽決之憎直清傾邪放之山形  
忠俊坐除封放岩城以直寄無罪賜飯山後累增為  
十萬石以越後賜少將忠輝併舊封為五十三萬  
石三月公至自駿府土井利勝為老中歟利  
勝故刈屋城主水野信元之子信元仕織田氏以讒



死土井利昌收養為子。或云前將軍之子也。及貴客醉語利勝曰：何君之鬚之似大御所也？利勝目答曰：非所宜言。明日去鬚而朝去鬚。自利勝始云。夏四月以淡路賜池田輝政。命待少子忠雄長與之。六月召護屋城成。秋八月島津家久携琉球主尚寧來謁駿府。獻方物。遂朝江戶。明主朱翊鈞使有司遺書於薩摩為寧請九月命釋寧復其國。又還俘虜。乃使寧發使於明為我求其通商。待從細川藤孝卒。年七。藤孝長詞學。嫻習武門禮式。大府典禮多其所定云。冬十月本多忠勝卒。年六。忠勝自年十四從軍。大小五十餘戰。未嘗被創。及卒。前將軍殊悼之。

前將軍至自駿府。尋歸駿府。是歲前將軍使本多正信與書于明。福建守言通信之意。守狐疑不報。而南京福建商舶每歲來長崎互市不絕。讚岐國主生駒一正老子正俊左近嗣。

十六年癸春三月。前將軍如京都。天皇詔贈曩祖新田義重鎮守府將軍。考廣忠大納言。先是有內旨欲拜前將軍為太政大臣。且賜菊桐徽號。前將軍固辭。曰：有是命。二十三日入朝謝恩。二十七日天皇傳位于皇太子。仁諱政太子立。是為後水尾天皇。前將軍令諸侯修上皇宮。多置供御地。前將軍使人謂豐臣秀賴曰：自結婚以來未相見。恐生物議。願一來以



定衆情。淀君又欲不遣焉。嫡母淺井氏使人諭之曰：不宜再違命。秀賴乃與加藤清正、淺野幸長詣二條城。前將軍喜饗而還之。侍從淺野長政卒。廿六以其湯沐邑真壁五萬石。賜李子長重珠女。前將軍歸駿府。出雲國主堀尾吉晴卒。廿九孫忠晴嗣。六月，肥後國主加藤清正卒。廿五子忠廣嗣。尚幼，命藤堂高虎往視國事。秋七月，阿瑪港大人來謝罪，乃賜印信許互市。八月，始置史記事。九月，前將軍至自駿府。冬十二月，修理大夫島津義久卒。廿八，安南入貢。當是時，夷蕃入貢若乞互市者，凡二十餘國，散集各處。是歲，以長崎定為互市場，禁他所

繫泊。獨令荷蘭依舊來平戶。初，豐臣氏禁邪蘇教，既而禁弛。至是，耶揚子上言，倡邪蘇教者皆覬覦非望，乃令檢邪蘇徒逐之，申禁海內。關東奉行安藤重信為老中。

後水尾天皇慶長十七年壬辰春正月，平岩親吉卒。廿十無子，遺狀奉其封付之尾張。三月，公觀駿府。有馬晴信之誅阿瑪港人本多正信僚吏岡本大八、揣晴信之希賞，誑取其賂，事覺抵罪，在獄中。告晴信修蠻教及他陰事。於是放晴信于甲斐，尋賜死。子直純左衛門先是迂父居駿府，給事中。故賜有馬四萬石。夏四月，公至自駿府。五月，會津藩主蒲生秀行



卒<sup>十年</sup>三子忠鄉野嗣秀行淫虐甚縱老臣蒲生鄉  
成數諫不聽去焉忠鄉暴戾過久人皆知其亡六  
月徙京畿豪賈于江戶命後藤光次三立阡陌  
秋八月明人鄭芝龍祖官等來前將軍召見于駿府  
問以海外事冬十月前將軍至自駿府越前中  
納言秀康之卒列宰爭權不止忠直命本多富正伊  
守攻殺久世但馬弓木某十一月今村掃部清水丹  
後等來愬兩將軍親聽決之掃部丹後坐不直處流  
宥富正視國事如故前將軍還駿府是歲安藤  
直次帶成瀨正成皞人為駿府老中先是前將軍為  
義直賴宣擇傳聞衆心不欲出仕難言之沈吟不樂

累日正成謂直次曰何仕而非奉公不如安太公意  
也乃從容請曰不以臣等為不肖則仕兩郎君前將  
軍大喜以正成傳義直直次傳賴宣並以老中兼之  
各盡心輔道為藩臣儀表

十八年癸春正月命三十七藩修造皇宮播磨國  
主池田輝政卒十年五子利隆弒藏嗣分備前及播磨  
三郡賜其弟忠繼淡路于忠雄皆前將軍外孫也  
夏五月以本多成重飛騨為越前傳助富正為政成  
重重次之子也大久保長安久掌諸國礦政及公  
田租稅富埒大藩威權軋重臣而毒利無厭竊通信  
蕃國以圖不軌事未及發而死群妾怨長安子藤十



不願其遺財。許之駿府。曰：按問得謀逆狀。前將軍大  
怒。秋七月，族誅長安家。八月，紀伊國主淺野幸長  
卒。年三無子。以弟長晟祖馬為子嗣。九月，前將軍  
至自駿府。詔津城主大久保忠佐衛門卒年七無  
嗣。收其二萬石。冬十月，松本城主石川康長玄蕃  
咎大久保長安。收其封八萬石。放佐伯弟數矩肥後  
亦奪封二萬石。康長數正之子也。守和島城主富  
田知信以容匿亡人。背天下約。收其封十萬石。縣城  
主高橋元種右近將監收其封五萬石。十二月，皇宮  
成。前將軍還駿府。途將館于大久保忠鄰小田原  
城。駕至仲原。甲斐人馬場忠時衛門上變言忠鄰圖

不軌。前將軍大驚。還入江戶。先是忠鄰喪其子忠常。  
加賀乃稱病謁歸。又與山口重政祖馬婚。吏劾其不  
告奪重政邑。忠鄰謝罪不報。乃杜門不出。本多正信  
爭權忌之。常欲構陷。及馬場上變。枉證其事。乃故命  
遣忠鄰于京都。檢邪蘇教徒。

十九年卯春正月，收小田原城邑。放忠鄰于彦根。以  
其舊勲。賜孫忠孝以邑二萬石。京都所司代板倉勝  
重就忠鄰旅館。傳命忠鄰方與客對奕。徐斂局而出。  
聽命京都。驚擾恐其有變。忠鄰乃縛鎧伏。送勝重。終  
赴配所。上書駿府。訴冤不報。山形藩主最上義光  
卒。年九子家親駿河嗣。三月，公陞正二位。遷右大



臣加賀藩臣高山友祥、近内藤如安、飛騨以奉邪  
蘇教、與其黨男女百餘人、放于西洋、蠻舶迎而去。  
佐野城主佐野政綱、修理大夫吐大久保忠鄰事、收其封  
四萬石、放松本。夏五月、中納言前田利長卒。年三十五  
豐臣秀賴既長、其臣大野治長、修理亮等陰謀、舉兵  
復其舊業、乃與淀君及淀君季父織田長益、賴議先  
遺書于前田利長、稱秀吉遺命來助秀賴、利長不應。  
而卒。片桐且元、疎市為秀賴傳、常憂失關東驩心、數  
諫秀賴、治長等疑其與關東通、稍猜防之。秋七月、秀  
賴鑄方廣寺巨鐘、成、請慶之前將軍以其鐘銘觸忌  
諱、類呪詛者、怒而馳使停其慶。八月、秀賴使且元來

分疏、銘辭無異志。九月、安房國主里見忠義、安房守  
吐與大久保忠鄰交通、國除、徙伯耆。前將軍命本  
多正純、責片桐且元以大坂輸誠之實、且元歸、密啓  
秀賴、欲納淀君為質、或諧且元、賣君、淀君大恚、與群  
臣決議、欲誅且元、舉兵、且元奔遁、其邑茂木、遠近騷  
然。冬十月、京都所司代板倉勝重、飛檄報之駿府、既  
而大坂招集亡命之徒、其兵號稱十萬、四出抄掠、秀  
賴又發間使、誘伊達政宗、島津家久、淺野長晟等、皆  
不納、而告之關東、前將軍既得諸方報告、則曰、孺子  
終不悟也、乃下軍令、伊勢、近江、美濃、尾張、越前等兵  
急扼淀勢、多、大和兵自守其地、北陸諸國兵陣大津



坂本中國兵陣池田南海西海兵泊和泉海濱並俟  
大軍勿輕戰東海東山將師皆隸前將軍關八州及  
陸奧出羽諸侯皆隸公使世子家光與少將忠輝等  
留守江戶賴房留守駿府義直賴宣皆從軍而諸嘗  
受豐臣氏特恩者不許從十一日前將軍奏駿府赴  
京都公尋率大軍西上十一月會前將軍于京都議  
攻戰前將軍進陣住吉公陣平野諸侯軍會者凡五  
十萬四面環城前將軍度城中必悔使人議和不肯  
曰令諸軍攻其諸寨盡拔之進薄城十二月六日前  
將軍徙營茶臼山公徙營岡山令諸將射書曰降者  
有賞城中人之相疑前將軍又遣使講和城中衆議

不決而欲和者頗多大野治長等建議曰德川翁且  
夕人也明歲西吉東凶且約和以為後圖乃勸秀賴  
請和前將軍曰右府誠自艾則吾莫復介意矣曰約  
三事曰填城周池曰徙封大和曰以淀君為質必居  
一焉居數日城中荅以填周池而請為容兵加食邑  
前將軍曰怒釋之已多矣奚勝養之乎議乃輟秀賴  
母子見東軍日盛心懷疑懼遂以逐客兵填周池為  
請十九日和乃成而將軍乃令諸軍撤圍特留勳舊  
七將填湍二十五日前將軍還京都間三日入朝告  
和成封伊達秀宗隸江守和島為十萬石秀宗政  
宗之長子幼質於大坂關原之役始得放還政宗避



嫌立少子忠宗為嗣至是秀宗從在軍前將軍愍之  
曰有是命是歲伊奈忠次備前卒年五忠次掌郡  
邑之政制錢穀之用振困窮恤矜寡民闢野察地宜  
教之樹畜於是戶口殷實閩內為沃野軍興不乏者  
忠次之力也前將軍嘗使畫工作忠次侍坐圖曰是  
助吾定天下者也其所重如此子孫相受世任郡邑  
職

元和元年卯春正月公在岡山十九日還京都盡罷  
諸侯就國二十四日入朝尋東歸對馬島主宗義  
智卒年四子義成嗣二月前將軍歸駿府公至自  
京都備前國主池田忠繼卒年十無嗣令兄利隆

并撫其國守都宮城主奧平信昌卒年六初并  
伊直政之次子直孝掃部以兄直勝廢疾不勝事代  
攝其軍有功公遂命受父後直孝固辭不許舉彥根  
十五萬石封直孝別賜邑三萬石于直勝是時直孝  
為大番頭既拜命次日入謝徐進坐老中本多正信  
上衆洒然變色已退謝正信曰今日所為甚類不遜  
然已受故侍從後不得不然正信曰君唯能然所以  
有是命吾竊慶主公知人也豐臣秀賴之請和而  
將軍知其必有再舉之計遣諜者伺之悉知敵情而大  
野治長等不察益召募客兵欲必成前志三月京都  
報至前將軍即下令諸侯皆如前役先命并伊直孝



藤堂高虎往護京都夏四月十八日、前將軍入京都、公率諸軍尋至、會於二條、議方略。五月六日、兩將軍進至平岡、令諸軍進攻。敵分兵出防、我兵連戰破之。斬敵將後藤基次。衛兵木村重成、張門薄田兼相、人正前將軍進次千塚。公次道明寺、下令詰朝攻城。明日、城兵盡銳出拒、我先鋒遇之大戰。本多忠朝、出雲小笠原秀政、信濃等死之。斬敵將真田幸村、左衛門大野治長及弟治房、主馬脫走入城。我軍追擊、斬首一萬五千。少將忠直率兵先登、放火焚樓櫓。諸軍踵進。秀賴母子皆避火于觀月樓。既而秀賴使人送護夫人于我營、而自入糶倉中請命。八日、前將軍遣使驗

之。又欲許其請、往復不決。會有發銃于倉中者、秀賴治長等知絕、與淀君皆縱火自殺。即日、前將軍還入二條。九日、公率諸將凱旋于伏見。十五日、斬長曾我部盛親於六條磧。大坂遺臣盡忠所事者、宥而有誅。於是青木一重、民部伊東長実、丹後等改圖而仕者數十人。片桐且元、聞豐臣氏滅、羞懣作疾卒。令子高俊、出雲襲其封。別以小泉一萬石賜弟貞隆、主膳六月、磔大野道次於堺浦。道次治長之弟。於之大坂唱亂者、前後伏誅。以大坂城賜松平忠明、軒總封為十萬石。忠明、奧平信昌季子、而前將軍之外孫也。十五日、前將軍入朝告成事。二十八日、兩將軍會二條



議賞罰藤堂高虎并伊直孝最有功各益封五萬石  
水野勝成日向違教旨輕自按按及故有功不賞亦多  
忠朝死事無子以兄忠政子政朝襲封小笠原秀政  
子忠真襲父封榊原康勝患瘍而奮戰至是終卒乃  
命兄子大湏賀忠次復本姓襲其封以大湏賀氏衆  
屬於賴宣責藤田信吉兼登失軍機收其邑令池田  
忠雄襲兄忠繼封以其舊封淡路加賜蜂湏賀至鎮  
少將忠直遷從三位進參議前田利光伊達政宗淺  
野長晟等皆進官爵閏月二十一日公率諸侯入朝  
獻白金萬兩秋七月會諸侯于伏見頒武家新法  
十三條曰文武之道勿不修佚遊群飲勿不禁犯法

者勿舍謀反若殺人者勿不告諸國民勿移其所勿  
私築城郭立異結黨者勿不告勿私結婚姻諸侯會  
同勿衛從過節衣服之制勿僭無爵位者勿乘輿諸  
將士勿厭儉約國主任人勿不擇其器又與關白藤  
原昭實兼議定朝廷式十七條賜郡山于水野勝  
成為六萬石小幡于織田常真為五萬石常真即信  
雄也八月前將軍歸駿府公至自伏見九月以  
老中酒井忠世土井利勝及青山忠俊為世子傳忠  
世宏遠有師表之德務贊德器雖有過失陽為不知  
以耻其心忠俊犯顏強諫世子或不聽輒解佩刀肉  
袒逼膝請曰必隨所欲誅臣而後可矣利勝循之和



色徐言曰苟如伯耆言娛樂無幾此不鮮人意也然  
此事不可使雅樂知願善思之世子輒悟而止冬  
十月前將軍遊獵至自駿府十二月賞罰麾下諸  
士中山照守<sup>由</sup>蚬<sup>解</sup>石谷貞清<sup>藏</sup>等增邑有差石川重  
之<sup>嘉</sup>衛<sup>門</sup>先登有功而以犯令被逐重之後號丈山隱  
居京北翰墨自娛天皇聞其文學且高風操詔徵之  
固辭數四賦和歌陳其志天皇嘉歎不復強焉前  
將軍歸駿府是冬以天下盡定令五畿七道毀諸  
壘若發使巡察諸國又以武門服章不備令曰明春  
正會改定之是歲宇多城主福島正賴<sup>歸</sup>部以殘  
暴收其封九萬石正賴正則之弟也

二年<sup>丙</sup>春正月朔諸侯將帥隨爵位<sup>其</sup>衣冠賀正而  
府封松平忠昌於松代為十二萬石忠昌忠直之  
弟也二十一日前將軍獵于田中得疾留四日乃  
歸公得報大驚二月朔至駿府日夜看護諸侯群僚  
相踵來候三月天皇遣大納言藤原兼勝大納言藤  
原實條<sup>來</sup>就拜前大將軍為太政大臣前將軍刀  
疾衣冠拜詔夏四月疾篤召諸國王諭曰吾老病且  
夕將入地吾既平定天下將軍執太政日久吾不復  
以後事為憂雖然吾死而將軍或失政則諸侯當其  
器者宜代執天下之柄天下非一人之天下吾何恨  
哉乃分賜遺物令罷就國以俟後命既而召公曰我



已告諸侯以興廢之道汝其留心政事善保國家莫以隨守成之業召世子及義直賴宣賴房皆有所遺訓十七日前將軍薨於駿府年七十五葬久能山天使致吊卹典甚盛賴宣就建廟僧天海請號廟大權現前將軍為人沈毅有大畧用兵如神而好學求治受人善容處事必規百世之後其事朝廷恭順殊至以鎮護王國為己任自執儉約不敢驕侈最重稼穡之事雖至微細無不諳知數託遊畋以訪民疾苦其為政務養士氣開言路防巧佞浮華之習是以天下爭歸之終能開布世大業云 二十九日公至自駿府 六月播磨國主池田利隆卒 年七 子光政嗣

令定五百石至一萬石軍賦制凡萬石所出弓十銃二十旗三槍五十騎二十五員又增大番為十隊老中本多正信卒 年九 正信權畧絕人始為元老常侍帷幄參機密深為前將軍信親及輔天下政嘗奏記言政體之要後世名儒木下貞幹讀之稱曰王道最中也臨終語子正純曰吾本參河鄙人也公上不以吾不肖致位于群臣之右宗族莫不霑其澤死生無能報大恩也故吾每有增邑命輒辭不受大君常不厭心吾死必益封汝汝必固辭之謹慎奉公則子孫永享其福也正信執政日久而終身之封不過二萬石又以盛滿誠正純人以是稱之 少將忠輝自



徙封越後驕侈日甚大坂夏役徙軍向大和口聽嬖  
臣花井某言逗撓不進且縱殺大將軍牙騎前將軍  
怒誅花井絕忠輝不許見秋七月公以前將軍遺命  
收封放伊勢後轉徙飛驒信濃九月青山忠俊酒  
井忠利內藤清次并為老中仍傳世子賜甲斐子  
公子忠長代國子以鳥居成次壯佐朝倉宣正隼後為  
傳忠長幼慧敏公愛之數欲易嫡前將軍不悅曰為  
裁抑之至是始得封初前將軍臨薨遺命昔大織  
剋藤公薨葬阿感期年改葬多武峰吾欲沿其例也  
冬十月公與僧天海等議以藤堂高虎本多正純為  
日光山廟使率地方諸侯經理土木起新廟大坂

之陷豐臣秀賴送出夫人濱田城主坂崎貞成出羽守  
冒火護歸前將軍喜謂貞成曰此汝之妻也是歲公  
許嫁本多忠刻中翰貞成怨望欲奪之公聞召貞成  
不至老中議論其宰曰使貞成自殺則為立其後本  
多正純曰大府惡彼不臣而教人不臣可乎不聽其  
宰遠藤某終斬貞成獻其首公怒命誅遠藤遂收貞  
成封二萬石

三年丁春二月天皇詔謚前將軍曰東照三月山  
形藩主最上家親卒子義俊源五郎嗣九日詔贈東  
照公正一位十五日遣本多正純土井利勝僧天海  
等迎靈柩于久能山夏四月八日改葬下野日光山



公往會之十七日有事新廟柁井親王尊純掌禮天皇使大納言藤原兼勝中納言藤原足隆西三條來助祭二十一日公至自日光山世子謁日光山廟六月公朝京都太上皇引見御坐曰乃父將軍以在爭亂之世政或雜霸道卿則治世主帥宜止殺施仁以護衛朝廷則子孫永受天祿令乃父既逝意無復訓誠卿者朕故及之公頓首曰敢不唯命是謹後每有賞罰大處分乃入覲於二條命之蓋謂奉詔下行也大猷公亦相治治為例云秋七月老中內藤清次卒黑坂城主閑一政卒無嗣其眾離叛收其封五萬石八月朝鮮王李瑄遣信使吳允謙等來公引見

於伏見命僧崇傳草國書署曰日本國源某宗臣柳川調興守豐前掌聘事曰朝鮮見前書不稱日本國王意我未統一天下也今國書宜稱王崇傳曰古時天皇不賜書於高麗夷也之今而稱王是自輕國體也諸老執政皆是其議不用調興言既而調興送使者還對馬使僧元房私改國書署王號付使遣之是歲井上正就計為奉行徙播磨國主池田光政為因幡國主併封伯耆四年戊夏四月建考廟于大城中鷲森六月加賀守鍋島直茂卒年三十八秋八月肥後臣僚三十二人分黨相訟公親聽之加藤正方祐馬等言加藤美作

卷之三



父子專權亂政王目丹波橫江某嚮皆通大坂按驗  
得實乃逐美作父子及丹波誅橫江之黨三人專委  
政正方國主忠廣取蒲生秀行女為公姻戚故得不  
究竟初本莊城主村上義明守防家丞富田次郎  
勸義明應大坂河野莊左發其事誅次郎是歲義明  
陰使人殺莊左事發覺乃收其封十萬石放篠山  
五年起夏五月公朝京都安藝國主福島正則負  
功驕橫酷嗜殺戮國民不聊生大坂之役陰通謀於  
敵公以其有功不忍遽加罪會請修築國城公不憚  
及成大拓於舊六月公在二條與諸老執政議收其  
封或恐其不奉命并伊直孝曰第使使傳命責其罪

使其自為計則正則必伏罪若萬一敢為無狀臣請  
擊擒之公乃決策發使於江戶與留守諸侯蒲生忠  
鄉最上義俊等議遣牧野忠成馬花房某誌摩於  
正則邸責以擅增築城郭負天下約徙之津輕久世  
廣宣三阪部廣成三等將兵上愛宕山俯視正  
則邸具火炮備變正則受命默然久之曰使前將軍  
在則吾將一言焉今復何言謹聽命公聞憐之以津  
輕太僻改徙信濃給邑五萬石公又使安藤重信永  
井直勝率山陽南海諸軍收其安藝備後其老臣留  
守廣島者不肯奉命及正則書至乃致城而去冬  
十二月徙封紀伊國主淺野長晟于安藝備後以紀



伊賜參議賴宣自是尾張紀伊水戶稱為三家諸侯  
無敢抗禮是歲徙封松平忠明于郡山以大坂為  
鎮府以內藤信政紀伊為留守稱曰城代封本多  
正純于宇都宮為十五萬石徙水野勝成于福山為  
十萬石豐前國主細川忠興老子忠利嗣京都所  
司代板倉勝重以老數請罷公優勞曰吾未得代  
者卿試舉之勝重曰以臣所知無如臣長子重宗也  
公悅即以重宗代為所司代勝重即日致事買舍於  
市中徙居重宗曰兒也不嫻事大命亦言且姑就父  
視其所為大人何遽爾勝重曰子之於父面已不同  
志意亦異吾在則吾之視吾亡則何如公上既以汝

為堪事汝其勉焉出語市中人曰新尹嚴明莫視同  
舊尹必受罰責重宗始行部見道傍擊牛背立乃下  
馬于斬徇之曰牛無禮於所司於是眾皆相告曰新  
尹果嚴矣豪強斂手重宗如舍省父勝重訓之曰為  
吏唯欲不掩過失苟掩過失則政壞政壞則民生無  
聊而身陷刑戮則不如始以過失免之幸也重宗常  
以是戒屬吏父子相繼為名所司宰相島津義弘

卒  
十年五

六年申春正月課西北諸侯修大坂城世子叙正  
三位任權大納言二月阿波國主蜂須賀至鎮卒  
十年三子忠英嗣夏四月酒井忠勝讚岐為世子傳



時公子忠長以夫人所受奉給甚盛世子室常聞然  
忠勝憂之有承奉忠長者輒正色裁抑之忠長驕恣  
亦為頗止忠勝忠利之子也六月十八日天皇詔  
納公女和子充女御後立為皇后稱東福門院讚  
岐國主生駒正俊卒子高俊字豐岐嗣秋九月藤原  
南歿年五冬十一月令宗室諸侯徙家屬於江戶  
限以自今年至丙寅歲過期者有罰是歲敗伏見  
城獨置奉行比奈良堀長崎佐渡

七年醉夏六月老中安藤重信卒年五初大坂陷天  
下歸一時有使者自西歸言黑田氏大修軍艦幕議  
頗疑之重信曰意將貢獻也令海內大定何足恠乎

退私使人告黑田氏曰聞貴藩修軍艦盍早獻焉長  
政悟即令其國速獻之群疑乃解當時諸老調停外  
藩概如此秋八月筑後國主田中忠政卒無嗣國  
除給其弟政弘兵邑三萬石尋卒田中氏絕分筑  
後賜久留米子有馬豐氏為二十二萬石而以柳川  
封立花宗茂為十一萬石復其舊是歲封土井利  
勝于佐倉為十四萬石命新築城郭初尾張人山  
田長政二衛門左倜儻有大志遊寓四方無所遇慶長中  
航海入暹羅會其國有亂長正以策于王為平其寇  
王喜以女妻之任以國事長正回說王與我通聘至  
是遣坤屹實參密等齎金葉書來獻方物自是聘問



不絕後王讓國于長正長正立自稱啞普良王威震  
傍國而為政尚猛衆頗怨怒遂遇弒死去諳厄利  
亞人以貿易鮮利乞罷許之

八年夏四月公謁日光山廟世子從焉歸途將館  
宇都宮城有上變者曰城主本多正純起館城中而  
悉囚其工匠不出之恐有異圖公驚使人諦視新館  
結構異常乃與酒井忠世等五人自問道夜去松平  
定綱越中乘公輿蔽而行正純不能自明移病數月  
稍起視事意忽々不樂修大城秋九月世子行  
擇甲禮初山形藩主最上家親之卒形迹涉異家  
監松根備前訴大府曰宰臣甞廷越前及楯岡甲斐

毒殺之謀立家親弟義忠也下吏治之無確證備前  
坐誣告配柳川義俊立臣僚益不和公憂之遣使諭  
群下一心輔主義忠越前等曰縱令今從命後復有  
讒者臣等終不得免請從是去矣公以其君少臣驕  
不可為國至是終除其封給義俊以邑萬石放義忠  
于水戶越前于古河命本多正純永井直勝如山形  
收其城地義忠稱山野邊氏後仕水戶食萬石冬  
十月本多正純以增築城壘擅殺部卒奪其城邑遣  
使就山形歸途傳命放之由利與五萬石邑不受稍  
減至千石乃受焉子正勝拙亦同配後十年父子  
皆死獨叔父正重衛門之後存云初正純之賜宇都



宮安藤直次曰彼將及禍人問其故曰關原之役正  
純請斬其父以解將軍之過頗有得色傷倫以要名  
無復謙讓之意必不令終也至是果驗封鳥居忠  
政于山形為二十四萬石

九年癸春三月米澤藩主上杉景勝卒年六十一子定勝

喜平嗣定勝幼無兄弟直江兼續山城欲舉公族某

以為定勝羽翼或以為其為兼續從子諂曰兼續謀

廢立定勝術之遂欺兼續于刺殺之滅其家世子

兼石衛大將夏四月公及世子謁日光山廟

越前參議忠直從大坂之役先登有功負功缺望數

不奉法及東照公薨無復忌憚縱酒色殺不辜公數

以密旨勗之不悛五月終收其封放豐後忠直後削  
髮稱一伯公如京都秋七月世子覲京都公上表  
辭職天皇詔以世子家光襲為大將軍

府朝事畧卷之二



應和  
和  
卷

Blank manuscript page with vertical red lines. Faint, illegible text is visible in the left margin.

Blank manuscript page with vertical red lines.

白  
卷  
首



